

陝西通志卷之十一

水利

井田溝洫水無遺利蓋以疏濬之餘智爲平土之豐功是故蓄洩以時豐凶有備西北原隰不俟江鄉之龍骨鄭渠其嚆矢矣卽如河入豫衝決靡常其初入于秦也灌溉功溥其餘可引之水無算善用之則爲我用不善用之反以嚙土而病民有能以禹績胼胝于

公家者靈泉神漢山湫水府皆效力于至治之世矣

陝西通志卷之十一 水利

作水利志

西安府

長安縣咸寧縣附郭

漆渠

在府城西三十里秦胡亥將運南山之漆而開此渠

漕渠

在府城西一十五里漢武帝元光六年春穿渠通渭

清渠

在長安縣西五十里自鄠縣界來經縣界一十里入渭

清明渠

在西安府隋開皇三年引滴水西北流入城

永安渠

在府城南隋開皇三年開引交水西北流入城

香積渠

在長安縣隋開皇三年引比水西北流入城

通濟渠

在府城西南成化初知府余子俊以居民苦城中水鹹飲輒病為開新渠引交瀾二水行地中匝徧城市人得戶汲明末寇踞渠塞

本朝巡撫部院賈漢復捐俸修濬仍復其舊

澧水

在府城西南四十里北流入渭括地志曰澧水渠今名賀蘭渠東北流注交水

鎬水

在府城西北一十八里鎬池廟記曰長安城西有鎬池在昆明池北周匝二十一里溉地

二十
三頃

渭水

在府城北三十里淮南子云渭水多力宜黍

太平河

在長安縣

高官河

在長安縣

灇池

在府城西北二十里詩灇池北流浸彼稻田是也亦名聖女泉

陝西通志

卷之十一 水利

二

曹三言五十三

石閼堰

在府城西南三十二里漢武帝元狩三年穿昆明池所造

私泉

在長安縣南二十里

龍首渠

在府城東南隋開皇三年引澧水北流入苑五代後廢宋大中祥符七年知永興軍

陳堯咨

修復

明渠

在咸寧縣東漢時渠也

黃渠

在咸寧縣東流入澧水上少陵原東

澧水

在府城東一十五里合金谷水北流入渭

灞水

在府城東二十里合藍谷傾谷諸水入澧水北注于渭

暖泉

在咸寧縣以上諸水見資灌漑

咸陽縣

興成渠 在縣西一十八里秦漢疏鑿以通漕運可罷車輓之勞唐李石為相奏咸陽令韓遠

治之
今廢

澧水 在縣東南三里詳見前

東泉頭 在縣西十里

西泉頭 在縣西十五里

中泉頭 在縣西十里

馬跑泉 在縣西二十五里

李村泉 在縣西

陝西通志 卷之十一 水利

三

有聖三十七年

下村泉 以上諸水見資灌漑

興平縣

成國渠 在縣北一里魏尚書右僕射衛臻征蜀所開上承泝水合韋川莫谷香谷武安四水

漑武功興平咸陽高陵等縣田二萬餘頃俗號為白渠言其利與涇白二水相埒也

五泉渠 在縣西一十二里隋文帝塋三時原上因絕此水

昇原渠 在縣南一十五里漑田七十餘頃以其昇原而流故名之

普濟渠 在縣南一十里漑田七十餘頃

清渠 在縣南二里以上諸渠今俱涸

湯臺泉 在縣西一十五里

板橋泉

在縣西一十七里

馬嵬泉

在縣西二十五里
既田二十餘頃

史家泉

在縣西三十五里

徐洪泉

一名永濟泉在縣西南二十里即古清水泉湮沒久遠變為桑田順治十五年知縣

徐開熙典史洪廷憲開故名灌漑七村一十餘里

朱章堤

在縣東一十五里明嘉靖年知縣朱文修四十二年知縣章評又修故名

宋泊

在縣西二十里周四十里

百頃泊

在縣西二十五里周四十里

曲泊

在縣西南一十五里自宋泊而下並有捕魚之利隋開皇十五年各築隄防護今俱廢

陝西通志

卷之十一 水利

四

成三百三十九

馬牧澤

在縣東南二十里南北廣四里東西袤二十一里

鄜縣

澇水

在縣西二里

栗谷口水

在縣南源出于清涼山入于澇又修入白公河皂谷口水亦然

阿福泉水

在縣南入呂公河

太平谷水

在縣東南三十里即清水渠之上流也今分為衆流以灌稻田

檀谷水

在縣南長樂渠之上流也

澧水

在縣東詳見前以諸水見資灌漑

呂公河

在縣南明初知縣呂仲信開今為民永利

白公河

在縣南即呂公舊河知縣張宗孟增開

三里河

在縣北知縣張宗孟開灌中原渭曲與仁三里地

胡公泉

在縣西南一十里昔虞胡公引以灌田民獲其利

白沙泉

在縣西

冷泉

以上三泉見資灌溉

漢陂

在縣西五里周一十四里今其地爲百姓水田

藍田縣

石門峪水

在縣西南四十里合荆峪廣峪諸水自白鹿原東流入澮

王山水

在縣西三十里

陝西通志

卷之十一

水利

五

選言三十六

木峪溝水

在縣西二十里居民引以灌田

雙溪水

在縣西二十里灌田數百畝利與諸河水同而無奔騰漂蕩之患

土膠河水

在縣東辛里以其混濁不清故名之明嘉靖二年知縣王科鑿渠引水入城

灞水

在縣東南二十里即古滋水

輞谷水

在縣南八里

庫峪水

在縣西南五十里比流合澮入灞

採峪水

在縣西南三十里

清河

在縣東南即古藍水西北流入灞

焦岱河

在縣西三十里北注于灞以上諸水有通渠灌田之利近有衝崩之患所宜疏濬

臨潼縣

新豐渠

在縣東二十里

清渠

在縣西耀州青野谷水下流

白渠

在縣西北六十里

五渠

在縣西

中白渠

別見高陵

中南渠

別見高陵

折波渠

在中南渠北

高望渠

別見高陵

陝西通志

卷之十一

水利

六

凡三百八十八

隅南渠

在高望渠南

戲水

在縣東二十五里出驪山鴻谷中

石川河

在縣東一百八里見海田數千畝

溫泉

在縣南驪山下療疾灌田

高陵縣

白渠

自涇陽縣界至縣界彭城兩下分爲四渠并溉民田名劉公渠彭城堰

中白渠

自彭城開東流至櫟陽北入清河袤三十里

中南渠

在中白渠南七里經孝義坊入清河袤五十五里

高望渠

在中南渠南至臨潼境入渭袤五十五里

隅南渠

以上四渠皆唐高陵令劉仁師開

昌連渠

即中南渠支流元至元七年高陵令王珪引渠入城中以上諸渠見資灌漑

涇陽縣

鄭國渠

在縣西南七里秦時韓命水工鄭國開說秦鑿引涇水自仲山西抵郛口傍北山東

注洛三百餘里溉田四萬餘頃收皆畝一鍾于是關中為沃野無凶年

六輔渠

漢元鼎間倪寬為左內史奏穿此渠以益溉鄭國傍高仰之田今廢

白渠

自縣西北六十里引涇水南行至縣北五里立三限閘以分水北曰大白渠中曰中白渠

南曰南白渠大白渠之下為刑堰刑堰之上渠分為二北曰務高渠南曰平臯渠中白渠之下二十里為彭城閘渠分為四北曰中白渠南曰中南渠又南曰高望渠又南曰隅南渠中南渠之下北分

陝西通志

卷之十一 水利

七

四百五十八

者曰折波渠南分者曰昌連渠獨南白渠無分其分水以三限及彭城為要地北限入三原櫟陽雲陽中限入高陵三原櫟陽南限入涇陽立斗門以均水凡為斗一百三十有五太始中趙中大夫白公開在鄭渠上流

豐利渠

宋大觀中詔開石渠疏引涇水下與白渠會溉田三萬五千餘頃所謂洪堰是也

新渠

元至大元年西臺御史王琚建言更于宋渠之上開石渠五十丈下入故道

廣惠渠

明成化中巡撫項忠開鑿在新渠北今用之以上諸渠名雖數更然實止一渠故自

漢至今皆稱曰白渠云

上王公渠

在縣西北

磨渠

在縣西北

六輔渠詳見前

中白渠詳見前

北白渠二渠自涇陽界來穿城流往東南見資灌既

毛坊渠在縣北三十五里見溉毛坊陽杜二里田

公進渠在縣北首起谷口尾抵本縣溉長孫等里田

原城渠在縣北見溉間村等田

五渠在縣西北上五渠溉留官東陽武官杜村四里及涇陽大陽丁糧西朱坊南等村田下五

渠灌小畦唐村張村三里田

木帳渠在縣西北一十四里以上五渠引清谷水

陝西通志卷之十一 水利

九

穆言李太字

清谷河在縣北十五里出谷口西南與冶谷水合經縣北門外東流至臨潼縣界入于渭

濁谷河在縣北東流溉民田其水峻急渾濁故名

五龍泉在縣東北三十里五泉合流民引灌田

白馬泉在縣東北四十里亦名神泉

長孫堰在縣北二十里

馬牌堰在縣北二十里

木王堰在縣東北二十五里以引濁谷水凡三堰

盤屋縣

靈軹渠在縣界漢武帝穿

韋谷渠在縣西南三十五里自南山流經清化店溉田北入于渭一名廣積渠

漆渠詳見前

渭水在縣北五里漢武帝元光中大司農鄭當時建言引渭起長安東至河三百餘里可灌渠

下民田萬餘頃及渠成民頗得其利

黑水在縣東十五里

田谷水在縣東南三十五里

白龍泉在縣北城下以上諸水各灌田百餘頃久為民利

渭南縣

漕渠在縣北一里來自臨潼東入鄭縣今涸

陝西通志卷之十一 水利

十

弘治三百年

杜花谷水在縣西南一十里

東陽谷水在縣東一十五里

西陽谷水在縣西一十里一水北流至分水嶺分東西流利灌溉

天應水在縣東南

小谷水在縣東南

清水河在縣東二十里即赤水河

龍泉灌田宜稻

瑞泉在縣境

金氏陂唐武德三年引白渠溉之以置監屯

富平縣

鄭國渠來自涇陽界東流至縣民獲其利

北白渠來自三原界溉驪陽大澤豐潤三鄉田四里有斗門一十五所其水東入漆沮河

官渠溉田一里

文昌渠溉田一里

永濟渠溉田一里

順陽渠溉田一里

石水渠溉田一里

永潤渠溉田三

陝西通志 卷之十一 水利

白馬渠溉田二

永興渠溉田二

洞子渠溉田一

永壽渠溉田一

長澤渠溉田

陽九渠溉田二

金定渠溉東西渠村以石川河水

堰武渠溉田

小白馬渠溉田五里

中渠溉田一十里以

直城渠溉田一

懷德渠溉田一

順城渠溉田一

王帶渠在縣北門外分懷德渠水由溫泉石橋槽

順陽渠灌田一

薛家渠灌田二十里

孫家渠溉小惠

朝陽渠灌鄒村等田

陝西通志卷之十一 水利

十二 環三百三十六

漆沮河又名石川河自耀州

金定河在縣西即澗

溫泉河在縣北

潼河在三尺嶺北導由趙老峪入順薛二渠可灌

隆去

澤多泉在縣

澗泉在縣

石川堰在縣南

常川堰在縣南

龍門堰

在縣南二十里

富平堰

後周賀蘭祥拜大將軍太祖以涇渭灌溉之處渠堰久廢乃命祥修造富平堰引水

東注于洛用溉民田甚獲其利

醴泉縣

白渠

在縣東北七十里

洪口堰

在縣東北四十里灌仁義等里田元英宗至治初陝西屯田府言自秦漢至唐宋年

例八月差使水戶自涇陽西仲山下截河築洪堰引涇水入白渠溉田七萬餘頃

商州

商顏渠

在州東引洛水至商山下

陝西通志

卷之十一 水利

十三

元三百五十九

普濟渠

在州北引黃沙溪及少谷西平二泉入城以資日汲

丹水

在州東二十里見灌張村龍車寨田數百頃

雒南縣

大渠

在縣南

小渠

在縣西二渠今廢

雒南河

在縣南二百餘步

南河

在縣東南九十里以水見資灌溉

鎮安縣

乾祐渠

在縣北九十里

鎮安河在縣南門外

乾祐河在縣東三里

永安川在縣東五十里

秋林川在縣東七十里以四水俱資灌溉

商南縣

兩河在縣南四十里

冰河在縣東門外

清油河在縣西三十五里以上三水見資灌溉亦有衝崩之患

山陽縣

陝西通志卷之十一 水利

十四 李三白王

花水在縣南一百里

青崖水在縣東南一百二十里

澧水在縣南

甲水在縣南一百二十里

箭水在縣東南一百一十里以上五水可資灌溉

同州

洛河漢武帝時嚴熊言臨晉民願穿洛以溉龍泉

人穿渠自澍引洛水至商顏下乃鑿井行水井渠之生實自此

九龍泉在州南八里

蘇村泉

在州西南五十里嘉靖中修渠導水灌田

紅善泉

在州西南四十里平地湧出溉田百餘頃

坡底泉

見資灌溉

馮村泉

見資灌溉

北莊泉

在州西灌田宜稻

朝邑縣

沮水

在縣北可資灌溉

金水河

在縣北五十里源出郃陽流入本縣民受水利

苦泉

在縣北三十里

陝西通志

卷之十一

水利

十五

卷之十一

通靈陂

在縣北四十里唐開元中姜師度爲同州刺史引洛溉朝邑河西二縣又開河以溉

通靈陂收棄地二千餘頃爲上田今廢

韓城縣

濠水河

在縣南一里隄爲五堰溉田四十餘頃

郃陽縣

白泉

在縣東南

溫泉

在縣東南

灰泉

在縣東南四十里以上三泉今沒入河

臨晉陂

魏司馬懿所築引洛溉鵠鹵之地數十頃今廢

鯉漢

在縣東

東里漢

在縣東

王村漢

在縣東

渤池漢

在縣東

夏陽漢

在縣東以上五漢瀕河平地湧出其大如輪水清冽民資灌溉之利甚溥

陽班湫

在縣東南五十里唐貞元四年堰滂谷水以溉田今廢

澄城縣

洛水

在縣西二十里

澠水

一名官水在縣西三里人多資汲

陝西通志

卷之十一 水利

十六

二百六十六

泉河

在縣西二里

三泉

在縣東北十五里其源有三復合爲一足爲民利

王泉

在縣西北五十里引流灌溉

白水縣

鐵牛河

在縣北三十里背遶五泉東入洛

華州

敷水渠

在州東南四十里唐開元中姜師度疏鑿以洩水害刺史樊忱復鑿之使通渭漕源

出大敷峪支分灌田雨澇時爲害亦大

利俗渠

在州西南二十三里唐開元四年詔陝州刺史姜師度開華州鄭縣二渠曰利俗引

喬谷水
以溉田

羅汶渠

任州東一十五里引小敷谷水以灌田

東溪水

旁有泉以益溪流支分灌田經灌之村稱曰水莊

西溪水

分流灌田

石橋河

在州西一十里

海眼泉

一名五眼泉在州西南一十五里見資灌溉大旱不竭

華陰縣

磨渠

在縣東二十五里灌定城公庄田近百頃水分四十一溝凡四十一日一周分水多寡以

修廟出金爲率有碑記之民得出券相售澇則歸于清河

陝西通志

卷之十一

水利

十七

春三百七十七

靈應泉渠

在縣東二十里灌泉店定城及花家寨田約五十餘頃水分三十六渠凡三十

六日
一週

醴泉渠

在縣東南觀北里水清甘古志稱其屢招鳳飲莫可攷也經華嶽觀馬蹄村北瀦缶

廟魚池與寶谷之水計日通入餘日則灌民田

敷水渠

在縣西三十里源出大敷谷明萬曆二十三年知縣韓應奎開渠經理民獲其利水

漲則盈
溢爲害

蒲谷渠

沿水崖分爲二東渠灌龔家村北至賀家村西渠灌蒲谷屯蔡家村嚴家池及馬村

段明渠

引潼谷之水循山麓而西北由馬頭澗入吳村分爲二渠西灌義賈段明坡頭東灌

員庄及通
洛右方

惠民渠

正德壬申華州知州桑溥所開渠有三渠一渠在樸谷自彭村抵孟村入渭第二渠

在方山界自孫庄至西灘入渭第三則為縣之慈谷渠是二當在州一乃在縣也後皆淤塞州人遂開東西一渠一遇水潦直以縣之拖定普落等里為壑矣縣令王九疇曰權利害之別修南北渠州縣並獲其利修東西渠縣民獨承其害酌難易之分修南北渠是謂因勢利導理順而易行修東西渠是謂壅流激水逆理而難徇斯事理之大較也

黃神渠

在縣東南十里上多水磨下灌民田

蒲城縣

平路渠

在縣東南二十里

常樂渠

在縣東南四十里

陝西通志

卷十一 水利

十八

王表三百十三

半坡寨渠

在縣東南

溫湯泉

在縣東六十里

白馬泉

在縣東南二十五里以上諸水見資灌漑

漫泉

在縣西一十五里

浩泉

在縣西北一十五里今涸

蓮子池

在縣西北三十里

山陽堰

在縣北一十里舊圖經曰唐置陵寢修此堰

耀州

漆渠

在州東南